

天鎮縣志卷之一

知縣張坊補輯

沿革 辨證 官制附

粵稽唐定九州虞肇十有二州三代衆建諸侯至秦罷
封建置郡縣亦云變更矣迄後或稱道或稱軍或稱路
或稱省制旣屢更名亦互異烏容弗辨也志沿革
天鎮古冀州之域春秋北狄居之戰國屬代後屬趙

秦屬雲中

漢因之後改屬平城

三金縣志
北魏道武帝置廣牧縣 按晉志新興郡有廣牧縣天鎮

卽其地

隋爲玉泉驛或曰唐亦爲玉泉驛後改玉泉縣後又陞爲
玉泉郡

唐乾元元年廢蔚州橫野軍徙天成軍合之景福初赫連
鐸攻天成軍幽州節度使李匡威助之壁雲州李克用
自神堆引軍夜入雲州 按乾元元年唐改雲中郡復
爲雲州則天成軍當卽天鎮境也 舊志縣北新平堡
古爲榆林縣地屬集寧郡轄山西通志則云榆林縣唐

屬勝州北直東受降城距天鎮殊遠愚按明新平堡制
內云北直舊榆林縣今縣北二十里有榆林口則古榆
林縣之說不爲無據通志所云當又一榆林縣也

後唐爲雲中縣地隸雲州大同軍

後晉獻地於契丹

契丹滅晉
改國號遼

遼析置天成縣隸雲州重熙十三年陞雲州爲西京大同
府

金仍爲天成縣隸西京大同府

元改天成縣爲天城縣初隸宣德府中統二年改隸興和

路

明初仍爲天城縣洪武三十一年改爲天城衛洪熙元年
又添設鎮 衛

國朝順治三年併二衛爲一曰天鎮衛雍正三年改爲天
鎮縣編戶舊十里今十里

辨證

天鎮爲晉魏之廣牧縣與唐之天成軍相近後唐爲雲中
縣地遼析置天成縣隸雲州後陞雲州爲西京大同府
金仍爲天成縣隸西京大同府元改天成縣爲天城縣

隸興和路明洪武改設天城衛至洪熙改元又添設鎮
衛

國初併爲天鎮衛雍正三年改爲縣距大同府治一百八
十里 按舊志天鎮爲隋唐玉泉驛與古榆林縣近第
考天鎮諸碑記或曰古玉泉縣或曰古玉泉郡未知所
據而邑人周凌霄重修南嶽行宮碑記有云粵稽天城
古隋唐玉泉驛也迨宋之北朝改爲玉泉縣至元時又
改爲興和路天城縣有顯化寺石碣可考愚因遍覓顯
化石碣已泯滅無存姑闕之以俟知者

官制

遼設天成令武騎尉

金闕

元闕

明設叅將一員 中軍守備一員 援兵營中軍一員

千總一員 把總三員 老家司中軍把總一員 提

邊把總一員 站官一員 天城衛掌印指揮一員

鎮 衛掌印指揮一員 天城衛軍政指揮三員 鎮

衛軍政指揮三員 天城鎮 二衛經歷各一員

鎮撫各一員 五所掌印管屯千戶各五員 五所掌印百戶各五十員 知事各一員 成化十八年添設教授一員 訓導一員

國朝併二衛爲一改設掌印屯務守備一員 城守守備

一員 衛學教授一員 訓導一員

康熙初年裁缺只留教授一員

雍正三年改衛爲縣設知縣一員 儒學訓導一員

典史一員 城守守備一員 雍正十年改守備爲都

司倉書